

Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Secvnda, Qva Continentvr Socratis Scolastici
Constantinopolitani lib. 7. Theodoriti Cyrensis episcopi lib. 5

Christopherson, John

[Köln], 1569

Quòd mortuo louiano, Valentinianus Imperator eligitur, qui in imperij
partem, Valentem fratrem assumit, & quòd Valentinianus recta sanaq[ue]
fide praeditus erat, Valens autem Ariana labe infectus. ...

urn:nbn:de:hbz:466:1-12704

S O C R A T I S¹⁰³
S C H O L A S T I C I H I -
S T O R I A E E C C L E -
S I A S T I C A E ,
Liber Quartus.

Quod mortuo Iouiano, Valentinianus Imperator
eligitur, qui in imperij partem, Valentem fratrem
assumit, & quod Valentinianus recta sanaq; fide
præditus erat, Valens autem Ariana labe in-
fectus.

C A P V T I.



V M Imperator Iouianus in Dada-
stanis, vti diximus, ad suum ipsius, &
Varoniani filij sui consulatum, deci-
mo tertio Calend. Martij è vita mi-
grasset, milites ex Galatia deceden-
tes, septimo post die Nicæam Bithy-
niæ veniunt: omnesq; vna voce Va-
lentinianum, ad 5. Calend. Martij, il-
lo ipso Coss. Imperatorem declarant. Hic genere Panno-
nius fuit, è ciuitate Cibale ortus. Qui rem tractare aggref-
sus militarem, se in ea facilè peritissimum ostendit. Vir ma-
gno & excenso animo prædictus fuit: amplioremq; dignita-
tis gradum, quam in quo erat locatus, semper promereri vi-
sus est. Qui, simul atq; fuit Imperator creatus, Constanti-
nopolim absque mora contendit: ac tringinta diebus post
suam creationem, fratrem Valentem socium sibi adiungit
imperij. Et quamquam ambo erant Christiani, de fide ta-
men religionis Christianæ inter ipsos dissensere. Nam Va-
lentinianus fidem concilij Nicæni est amplexatus: Valens
autem opinione quadam animo precepta inductus, dogma-
ti Ariano mordicus adhæsit. Quæ quidem opinio præ-
terea eius animū præoccupauerat, quod fuerat ab Eudoxio
Con-

SOCRAT. HISTOR.

Constancinopoli Arianæ sectæ episcopo baptizatus: vterq; fidei, quam coluit, permagno studio exarsit: Sed tamen cum Imperatores essent iam creati, moribus, & vitæ consuetudine valde fuere dissimiles. Nam tametsi antea, regnarite Iuliano, cum alter tribunus militum esset, Valentinianum dico, alter ex numero Satellitū, qui Imperatori domestici erant & familiares, nempe Valens, perspicuè declarabant, quād ardenti religionis studio vterque illorum inflammarerit (cū enim ad sacrificandum impellerentur, balteos militares deponere maluerunt, quād fidem Christianam descerere, quorum neutrum Imperator Julianus, quoniam eos tales homines esse intelligeret, quales Reipub. plurimum possent commodare, de militaris honoris gradu deiecit, quemadmodum neque Iouianum, qui illi successit in imperio) tamen postea imperij gubernacula adepti, licet in initio regni sui, in Reip. commodis diligenter prospiciendo similes ac pares inter se essent, in religione Christiana, vti dixi, admodum discordare, & disparem modum aduersum Christianos exercere cœperunt. Valentinianus enim vt suæ fidei & opinionis fautores amplexabatur, sic Arianis nihil facebat molestiæ: Valens autem, non modò Arianorum numerum augere laboravit, verùm etiam doctrinam contrariam amplectentes (sicut postea à nobis dicetur apertius) grauibus affecit suppliciis. Per idem tempus, ecclesiæ Romanæ Liberius fuit episcopus. Alexandriæ quidem Athanasius illi ecclesiæ parti, quæ fidem tenebat Consustancialis præfuit: alteri autem, quæ doctrinæ Arianæ addicta fuit, Lucius, quem post Georgium Ariani suum constituerant episcopum. Arianorum, qui Antiochiæ erat, episcopus fuit Euzoius. Qui autem fidem Consustancialis tuebantur, erant in duas partes diuisi: quarum alteri Paulinus, Melitus alteri præficiebatur. Hierosolymorum Cyrius fuit episcopus. Constantinopoli, Eudoxius ecclesiæ gubernatione potiebatur, Ariique docebat opinionem. Qui autem fidem Consustancialis propugnabant, in ædicula quadam intra ciuitatem conuentus celebimarunt. Qui verò sectam Macedonianam sequebantur, & in Seleucia cū Acacianis dissentiebāt, ecclesias suas in singulis ciuitatibus tenuerunt. Hoc in loco res ecclesiæ id temporis fuere.

Quod